

Inatsisartut suleriaasianni § 37, imm. 1 naapertorlugu, matumuuna Naalackersuisunut imaattunik apeqquteqarpunga:

Naalackersuisunut apeqqutit:

- 1. Naalackersuisut Tasiilami angallannermut ilungersunartumut nutaamik angallannermut isumaqatigiissummik isumaqatigiissusiorusussinnaappat, piffissaq qanittoq eqqarsaatigalugu?**
- 2. Naalackersuisut nutaamik angallannermut, Nuummiit Kulusummut Island-nimullu utimullu angallannissamut isumaqatigiissummik isumaqatigiiniarsinnaappat piffissami qaninnerusumi?**
- 3. Imaluunniit Nuummiit Kulusummut Kangertsaaivanillu utimullu angallannermut isumaqatigiissummik isumaqatigiissusiorsinnaappat piffissaq qaninnerusooq eqqarsaatigalugu?**
- 4. Taamaangippat sooq Naalackersuisut taamaaliorusunngillat?**
- 5. Nipaatumik inuerusaarusaaneq ingerlanneqarpa?**
- 6. Tunumiut nunap sinneratuut naleqannginnamik?**
- 7. Tasiilarmiut eqqaamiuilu nunap sinneranut Naalackersuisuniit suusupagiinarneqarusunneruppat?**

(Inatsisartunut ilaasortaq Gerth Mikaelsen, Naleraq)

Tungavilersuutit:

Tasiilami eqqaanilu pissutsit ulluni makkunani qatsulluinnarneqarput. Timmisartuussiniartarnerit amerlasuut, taavalu Icelandair isumaqatigiissumminik sivikitsuinnarmik Island-miit Kulusummut angallassisarniarluni nalunaarpoq. Taavalu Nuukkoorniaaraanni akit akisoorujussuullutik. Ilaatigullu Nuummi unnuisinnaasarneq pislarluni allamut ingerlaqqinniaaraanni.

Poortukkat nassiussat allarpasuillu siornatigutuut arriinerulernikooqaat. Ilaatigut sila kiisalu tekunikertarneq peqqutaalluni.



NALERAQ

Innuttaasuniilli maluginiarneqartarsimasoq unaasartoq aamma malugineqartarsimavoq, timmisartoq Kulusummut atugassaraluaq “teknikkerteriarlugu” illoqarfinnut allanut atorneqartarnera takornartaajunnaartoq. Taamaammat uani Tunumiunut pingaartitsinnginnertut kitaaniit isigineqartorujussuanngorluni. Taamatut nuna ingerlassinera timmisartuussinikkut akueriinarneqarsinnaajunnaarpoq. Tasiilaq nunap sinneratuut sullinneqarnissaa Naalakkersuisunut innuttaasut sinnerlugit piumasaraara.

Isumanni Tasiilami eqqaanilu nipaatumik “Arriittumik” inuerusaaneq ersippoq.

Susooqarnaveersaarpoq.

Oqariartuutigineqartartut Tasiilamiit nittartakkakut siammarteriviit atorneqarnerpaani Facebookikkut ersittuarput Tasiilami innuttaasut qanoq naammaginnikkunnaartiginersut.

Tusaaneqartaratillu.

Tusaaniarneqaqqinngippata tupinnassaqaq. Naammagittaalliuutit annertuut pisarnikuupput kisianni susooqartanngilaq. Taamatut innuttaasut oqariartorput aamma uanga Inatsisartutuut tamanna nalunngilluinnarlugu innuttaasut oqariartuutaat qamannga pisumik tapersersorpakka.

Ilimagilluinnarpara kitaani piffinni Tasiilamituut ilungersunartumik inissisimasooqartuuppat taamak suusupagineqartigissanngikkalarput.

Paasisinnaaqaakka Tasiilarmiut ilaat siorna oqarmat Tunu kitaaniit avissaarusulluni. Taamatut oqaaseqartoq najukkami sulisitsisut siulittaasuattut inissisimavoq. Taassuma ilaasalumi ukiorpassuarni Tasiilaq annertuumik sullinnikuuaat takornariaqarnikkut. Taamaattumik nalunngilluinnarpaa qanoq angallanniarneq Tasiilami qanoq ilungersunartiginersooq.

Aamma uanga Inatsisartutuut taassuma oqaasii taperserluinnaqqissaarpakka.

Tasiilami angallannikkut ilungersunartorujussuarmik inissisimaneq naammaginarunnaartorujussuanngooqqavoq.

Tupigissanngilara qinersinissaq tulleq pilerpat allannguinerujussuaq pissaaq. Massakutut inissisimaneq attanneqarsinnaangimmat. Kipiluttunartorujussuarmik inissisimaneq aallaavigalugu.

Tupinnassooq soqutigittaatumik anguniagaqarfiunngittumik anngussisoqaqqissappat.

Tupinnassooq aningaasasaqartinniarneqaqqinngippat Naalakkersuisuniit. Naluneqanngitsutuut kontut assigiingitsut atorlugit suliat nalimmassarneqarsinnaasartut, suliniutit suugaluarpata.

Tupinnartaqaaq Tunu pineqalersorlu tunuartertarnaq ukiuni arlalippassuarni Naalakkersuisuniit piuarpat.

Oqaatsinaasit tunuartertut Naalakkersuisuniit kusassakkat ilimanaq uani apeqquteqaatinni atorneqaqqiinassasut.

Innuttaasunut qamanngavik isumaqataallunga allappunga. Innuttaasut qamannga pisumik misiginneqatigeqqissaarlugit uannga apeqquteqaasiorlungalu nassuiaatiliorpunga.



NALERAQ

Ullaaq manna apequtininik takoqqikkama facebookikkut, sulii susoqaqqinngimmat taamatut anngussivunga.

Neriukkaluaqaangalu assut massakkut Angallannermut Naalackersuisoq Tunuminngaaneermat suliniummik pingaartitsilluni suliaqassasoq. Neriuppunga una apeqquteqaatiga innuttaasut sinnerlugit tigulluarneqarluni kinguneqartitsiumaartoq.

Taamaangippat Tasiilami innuttaasut sinnerlugit assut uggornassaqaq.

Taasiilarmiut tusaaneqarnissaminnik pisariaqartitsipput. Aamma Angallannermut

Naalackersuisuusup nammineq tamanna nalunngilluinnarpaa.

Oqareernittuut Innuttaasut Tasiilami eqqaanilu tusaaneqartariaqalerput.

Taannaqarujussuaq Mittarfittaarnissaq Tasiilami angallanneq eqaannerulerniassooq.